



Na osnovu člana 86 stava 3 Zakona o zdravstvenoj zaštiti u Brčko distriktu Bosne i Hercegovine (Službeni glasnik Brčko distrikta BiH, broj: 50/18, 52/18 – prečišćeni tekst i brojevi: 34/19 i 16/20), člana 31 Odluke o osnivanju Javne zdravstvene ustanove „Zdravstveni centar Brčko“ Brčko distrikt BiH (Službeni glasnik Brčko distrikta BiH, brojevi: 27/12, 11/13, 34/18 i 30/20), Skupština Brčko distrikta Bosne i Hercegovine na 38. redovnoj sjednici održanoj 8. februara 2023. godine, donosi

ODLUKU

O RASPISIVANJU JAVNOG KONKURSA ZA IMENOVANJE TRI ČLANA NADZORNOG ODBORA JAVNE ZDRAVSTVENE USTANOVE „ZDRAVSTVENI CENTAR BRČKO“ BRČKO DISTRIKTA BiH

Član 1

Raspisuje se Javni konkurs za imenovanje 3 (tri) člana Nadzornog odbora Javne zdravstvene ustanove „Zdravstveni centar Brčko“ Brčko distrikt Bosne i Hercegovine (u daljnjem tekstu: Nadzorni odbor).

Član 2

- (1) Javni konkurs iz člana 1 ove odluke čini njen sastavni dio i objavit će se na Internet stranici Skupštine Brčko distrikta BiH (www.skupstinabd.ba) i na oglasnoj tabli Skupštine Brčko distrikta BiH.
- (2) Rok za podnošenje prijave je 8 (osam) dana od dana posljednjeg objavljivanja Javnog konkursa.

Član 3

- (1) Postupak po raspisanom Javnom konkursu provest će Komisija za izbor i imenovanja i mandatsko-imunitetska komisija Skupštine Brčko distrikta BiH (u daljnjem tekstu: Komisija).
- (2) Zadatak Komisije iz prethodnog stava je da izvrši pregled i klasifikaciju prijava, obavi intervju sa svim kandidatima koji ispunjavaju uslove propisane javnim konkursom, izvrši bodovanje i podnese pisani izvještaj Skupštini Brčko distrikta BiH o provedenom postupku i prijedlog rang-liste s redoslijedom kandidata, prema ukupnom broju bodova za svakog kandidata.

Član 4

Skupština Brčko distrikta BiH cijeneći položaj kandidata na rang-listi koju dostavi Komisija donijet će odluku o imenovanju tri člana Nadzornog odbora.

Član 5

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-534/23

Brčko, 8. 2. 2023. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić

Dostavljeno:

1. Predsjedniku
2. Dopredsjedniku
3. Gradonačelniku
4. Komisiji za izbor i imenovanje i mandatno-imunitetskoj komisiji
5. JZU "Zdravstveni centar Brčko" Brčko distrikt BiH
6. Sektoru za opće i zajedničke poslove
7. Arhivi